

Orationis in qua praestantia adstruitur, pars posterior

Autor(en): **[s.n.]**

Objekttyp: **Article**

Zeitschrift: **Museum Helveticum ad juvandas literas in publicos usus apertum**

Band (Jahr): - **(1750)**

Heft 20

PDF erstellt am: **22.07.2024**

Persistenter Link: <https://doi.org/10.5169/seals-394686>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ein Dienst der *ETH-Bibliothek*

ETH Zürich, Rämistrasse 101, 8092 Zürich, Schweiz, www.library.ethz.ch

(*) ORATIONIS,

in qua Φιλομαθείας Præstantia adstruitur,

Pars posterior.

QUæritur, an sciendi cupiditas, qua trahi mortales videmus, & ornamento & emolumento iis sit? Multa esse, quæ dubitationem adferant, nuper ostensum. Nunc id mihi negotii datum credidi, ut illustre Superorum munus adserturus, paucis docerem, difficultates in medium prolatas tantas non esse, quin animus virtute præditus supervadat illas, Deique beneficium agnoscat.

Intrandum est in rerum naturam, & penitus, quid ea postulet, pervidendum: aliter enim nosmet ipsos nosse non possumus. Vis hominis natura sic generata est, ut ad omnem virtutem percipiendam, ad scientiam & prudentiam comparandam facta videatur. Hancine deformitatem animis & incommoda adferre dicamus? In eo, quod nos ultra bestiarum conditionem evehit, naturam tanquam novercantem incusabimus? cum vel sola agendi descendique principia, quæ in nobis continemus, a ceteris nos animalibus

Ss 2

se

(*) Recitata a Viro summe venerando J. C. W. in Collegio Φιλομαθῶν jam ante hos XXXVIII. annos,

secernant, atque ad altiora capienda natos daceant. An bestiæ, aut cuiusdam rationis sint participes, in præsentiarum disputare non attinet; hoc magis, quod omnibus probe per pensis, illuc mihi confugiendum intelligo, quo solent qui causas rerum ignorant: me certum non scire, nisi illud unum, innumera in singulis ferme comprehendendi divinæ potentiae & sapientiae vestigia. Qualis autem cumque virtus in iis sit, nemo tamen est qui in dubium vocet, in homine clariora nobilioris naturæ indicia inesse. Nam quum beluae ad id solum, quod præsens est, se accommodant: homo consequentia cernit, principia & causas rerum videt: earumque progressus, & quasi antecessiones non ignorat, similitudines comparat, & rebus præsentibus adjungit atque adnectit futuras: facile totius vitæ cursum videt, ad eamque degendam præparat res necessarias. Atque hæc vis naturæ in infirma ætate, imbecillaque mente puerorum cernitur: quippe quos ingenii proferendi avidos, & ad animalia regenda deludendave aptos videmus. Putamusne vero, hæc bona collata nobis, ut turpi canescerent situ? ut inculta atque inexercitata redderemus Deo? ut socordia & segnitia haberemus neglectui? Ipsi, quos sui simillimos Deus esse voluit, nosmet ad humillimam bestiarum sortem abiiciemus? quo Deus tamquam amplissima gaza collocupletavit mentes nostras, id nos parvi faciemus? stupendam illam sapientissimi architecti fabricam contemnere, aut ad male natarum cogitationum exasciare decempedam nos aggrediemur? Indignum prorsus id Deo foret, & naturæ nostræ injurium. Utendum potius iis facultatibus, quibus a benigno

no Nume exornati sumus: & credendum, hoc consilio datas nobis, ut pietati gignendæ inservient, & industrios uberrimo fructu, incredibili voluptate, atque spe maxima bearent. Spe dico maxima: sic enim mihi persuasum est, illum studii ardorem, qui nec morientes relinquit, haud obscurum indicium esse immortalis & æternæ vitae, qua qui perseruentur, in Deo cognitione rerum ita exsatiantur, ut tamen insatiabiles sint. Hæ itaque æternitatis scintillæ non restinguendæ, sed inflammandæ: hæc spei nostræ fulcra non subruenda, sed indefesso labore roboranda sunt.

Non diffiteor, doctrinæ deditos multiplici cura exerceri. Sed cum ita res humanas ordinaverunt Superi, ut nullius boni potiamur, nisi cura ac diligentia singulari adhibita; tum illos maxime turbari distrahique videmus, qui vel nullum sequuntur ordinem, vel modum excedunt. Illi, qui sine dilectu obvia quæque hauriunt, eorum adsimiles sunt, qui, ubi quoviscumque cibo ac potu aliquamdiu oneravere ventrem, stomachi imbecillitate laborare occipiunt. Hi vero, qui dies noctesque in litteris consumunt, non multum ab iis differunt militibus, qui, si quid ardoris habent, continuis popinis ac commissariis deterunt. Quid autem? num hominum sive intemperantia, sive inscitia eximia naturæ bona extenuabit? adeone vecordes erimus, ut amplissimum Dei munus propter immodestiam nostram aspernemur? Qui unumquodque ordine loco suo addiscit, multum proficit, & solatium in litteris atque ornamentum invenit. Qui non citato gradu, sed pedetentim ad scientiam progre-

ditur, & jucunditatem illius persentiscit, & rese-
ctis laxiore cura viribus, integrior ad cetera atque
validior accedit.

Multi porro sunt, qui, postquam nonnihil
Scientiae se consequutos arbitrantur, inani ac pue-
rili mentis affectu se avium modo efferunt, alios
præ se despiciunt, eorumque dicta, aut facta
censoria virgula notant. Verum enimvero quis
nescit, rideri illos, contemni, vitari, exagitari a
bono quoque, ut humanitatis oblitos? Hunc
formosuli isti superbiæ fructum capiunt: arrogan-
tes minoribus, inter pares difficiles, majorum
contemtores & obtrectatores, tædium sui movent.
Cujus mali culpa non innato discendi ardori adsi-
gnanda, sed omnis in hominum immodestiam
conferenda est.

In omni disciplina, etiam in Theologia, multæ
passim obscura, incerta, atque controversa oc-
currere, quæ tam pietate, quam eruditione præ-
stantissimi propugnent viri; nemo negare potest.
Sed ita sapientissime Deus, ut studium acueret &
perstimularet nostrum. Si plana, si aperta, si
cognitu facilia omnia forent: continuo animus,
qui in arduo gloriam quærerit, ad cognoscendum
torpesceret. Nullus ingenio locus, nullus virtuti
esset: virtus enim laudi sibi dicit, eo eniti,
quæ natura altissime constituit. Et quinam tan-
dem sunt, qui difficultates perpetuo queruntur?
Non prudentes, non pie docti, non veritatis ex
animo amantes, non seduli, sed segnes fere &
pusillanimi, vel illitterati, qui his questibus suis
nescio quam famam captare consueverunt. Equi-
dem

dem quum illos de obscuritate & vanitate discipularum querentes audio, cogito quam libenter homines culpam suam in alios declinent, quantoque facilius omnia alia accusent quam semetipsos: simul mihi in mentem venit senis cuiusdam: de quo urbane Seneca narrat, eum cum ætatis vitio minus commode oculis uteretur, quodcumque cubiculum ingressus esset, dicere solitum, illud parum luminosum esse, majores fenestras fieri oportuisse. Idem hic quoque evenit. Quod ipsi tenebras in oculis circumferunt, obscuritatem rerum accusant. Nos vero his mollibus ac delicatis culcitram substernamus, & pulvinos rosæ ac violæ plenos: eisque a Deo precemur, ut quidquid calcaverint, hoc rosa fiat. Infantibus melimela, viris autem misceatur crater ille *πηγίων*. Contingit etiam, ut turbent omnia ac misceant, qui cupiditatibus morem gerunt. Id quod fieri solet, quando humana mens sapientiæ suæ magisterio subacta, res singulas sensus & judicii sui lance ponderat, & quidquid rationis conto pervestitari non potest, tamquam falsum proscribit, arithmeticis numeris, mathematicis pedibus, & dialecticis notionibus cuncta subjiciens: quando illum demum doctum habendum esse opinatur, cui nihil est ignotum & impervium, & qui ingenii alis ad ipsum divinæ scientiæ solem proxime evolat: quando, ut Sacrum Codicem privis opinibibus suis propitium reddat, sensum ejus ita emasculat & obtorquet, ut qui his præstigiis circumagi se patiuntur, quod legunt, non legant, & quod Spiritus dicit, non dicere, quod non dicit, dicere credant: quando maximo studio eruditio nem sibi comparat, sed pectore a pietatis amore

alieno; quæ armata malitia hoc ipso periculosior,
 quod scientia fit callidior, profanitate audacior,
 & ex religionis sive contemptu sive neglectu insolentior: quando pruriginosa rixandi libidine correpti, vel ipsi suo impetu, captiosis subtilitatibus, inanibus de rebus levioris momenti quæstionibus, & temerariis de rebus dubiis, obscuris, incertis definitionibus, ad pugnas alios laceſſunt: vel sua opinione aliunde provocati, ad arma ocyus currunt, pro suis adſertionibus, non quod bonæ ſunt, ſed, quod ſuæ, acriter decertant, victoriam quaviscumque jactura redimere appetunt: quando novitatis amore, in ſententias ſacris calculis indubie confirmatas incurrere, ab aliis piis etiam & illuſtribus viris dicta in exoletis ponere, cogitationes suas pro oraculis, dictamina pro legibus, dubia pro certis, libera pro necessariis obtrudere, in animum induxere ſuum: quando proprii mali vindicta stimulati, & alieni boni invidentia acti, in præcipitia feruntur, obvia quæque furibundorum more invadentes, & nonnisi ſive alieni ſive ſui excidii inferiis placabiles: quando denique immodica parandæ famæ & gloriæ cupidine jactati, ita corrumpuntur, ut per quascumque peſſimas vias, quo mala fert lubido, graſſari, a receptis recedere, & insolentia commentari non verecundentur, quod credunt, nullius ſe momenti fore, ſi vulgarem iſiſtant viam; admoniti ut de contentionē defiſtant, illico exclamat: quid de honore atque existimatione mea fiet? Hæc discordiarum ſemina ſi quis attendat, ſimul intelliget, mentis aciem non ad eos qui quid ſentiunt, ſed ad id quod ſentiunt, eſſe convertendam; & ad verbum Dei tamquam

inex-

inexpugnabilem petram confugiendum : quippe quod solum omnem vim speciemque verborum discernit, omnem malitiæ & mendaciorum artem superat, omnes sophismatum versutias detegit & refellit. Possunt etiam boni probique viri in Theologia minus commode sentire: quod tamen eos in virtutum cursu non remoratur. Non omnes æque sumus lyncei: sed inconsulti omnes & improvidi, suus cuique attributus est error, & optimi quandoque dormitant. Nos eos complecti æquum est, qui Deum Christumque omnibus complectuntur viribus: & quemadmodum nos amari ab aliis cupimus, etsi in errore quodam versamur; ita nos paria adversum alios facere oportet. Præsertim quum ea, de quibus lis est, credenda fere attingant, neque primaria religionis capita, sed talia quæ sine salutis dispendio ignorari possunt, & ad quorum cognitionem distin-ctam, si omnem intendamus vim, perveniri hoc sæculo nequit. In fundamento autem salutis, in-que agendis magnus ubique consensus est. Ex quo intelligi potest, illam scientiam esse longe præstantissimam, quæ ad agendum hominem deducit. Id quod deinceps pluribus demonstrandum erit.

